



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

De Auctoribus librorum novi Testamenti.

---

[urn:nbn:de:hbz:466:1-66472](#)

prolata. Sexta ad Beguardorum errorem accedere creditur. Septima, im pie ac sine reverentia enuntiata rejicitur. Octava denique iisdem ferme terminis velut Veteri legi injuriosa reprobatur.

### De Auctoriis librorum novi Testamenti.

**D**e hoc argumento quinque proposi- *Erasmus in  
tiones a Doctoribus proscriptas re- Elencho.*  
perimus. Prima erat hæc : *Non statim  
dubius est in fide, qui de Auctore libri du-  
bitat.*

„ Hæc propositio inquit Facultas,  
„ temerarie & erronee asseritur, quia,  
„ postquam Ecclesia sacros libros sub  
„ nomine talium Auctorum suo usu uni-  
„ versali recepit, & sua probavit defi-  
„ nitione, non jam fas est Christiano  
„ dubitare, aut eos in dubium revocare.,,

*II. Epistola, quæ fertur ad Hebræos,  
multis argumentis conjici potest non esse Pau-  
li, cum stylo rhetorico verius, quam Apo-  
stolico sit scripta.*

„ Hæc propositio juxta Facultatis  
„ judicium arroganter & schismatice  
„ asseritur contra determinationem Ec-  
„ clesiæ in Conciliis Nicæno, Laodi-  
„ censi, Carthaginensi III. & in Conci-  
„ lio septuaginta Episcoporum factam.,,

*III.*

Sæcul. XVI.    III. *De Epistolæ ad Hebræos Autore*  
A. C. 1527. *semper est dubitatum, & ipse, ut ingenuus*  
*fatear, adhuc dubito.*

„ Hæc propositio eadem censura,  
 „ qua prior, perstringitur. „

IV. *De secunda Petri diu dubitatum est.*

„ De hac propositione Facultas ita  
 „ pronuntiat: *Hanc Epistolam sub nomine*  
 „ *B. Petri etiam jam olim Ecclesia suo usu*  
 „ *recepit, & definitione Conciliorum Lao-*  
 „ *dicensis, Carthaginensis III. & Gelasii*  
 „ *Papæ necnon decreto Innocentij magni com-*  
 „ *probavit. „*

V. *De Apocalypsi diu dubitatum est non*  
*dico ab hæreticis, sed ab Orthodoxis Viris,*  
*qui Scriptum tamen ut a Spiritu sancto pro-*  
*fectum amplectebantur, de Scriptoris nomi-*  
*ne incerti.*

Circa hanc propositionem Faculta-  
 tis Doctores ita discurrunt: *Liber Apo-*  
*calypsis aperte cognoscitur a B. Joanne*  
*Evangelista editus. tum ex Ecclesiæ usu,*  
*tum ex ejusdem definitione in Conciliis Car-*  
*thaginensi III. atque Beati Gelasii necnon in*  
*Synodo IV. Toletana. Idem rursus testan-*  
*tur Innocentius I. Dionysius Areopagita,*  
*Irenæus, Justinus, Damascenus, aliqui.*  
*Deinde patet ex ipso ejusdem libri contextu,*  
*nam in illo Scriptor esse dicitur Joannes,*  
*qui perhibuit testimonium Verbo Dei, qui-*  
*que ea de causa in Patmos Insulam relega-*  
*tus*

tus est : quæ profectio de alio a Joanne A. Sæcul. XVI.  
postolo & Evangelista nequeunt intelligi. A.C 1527.

### De Symbolo Apostolorum.

Circa Symbolum Apostolorum incusat-  
batur Erasmus hæc dixisse: *I. Sym-  
bolum an ab Apostolis proditum sit, nescio.*

Ad hanc propositionem Doctores Fa-  
cultatis hæc pronunciant: *Cum Symbolum  
ab Apostolis editum esse & promulgatum,  
sit fide tenendum, teneant quoque Catholi-  
ci Doctores, Clemens hujus nominis primus  
Romanus Pontifex, Augustinus, Ambro-  
sius, Leo itidem primus, & alii uniformi-  
ter, unumquemque Apostolorum, quod sen-  
sit, dixisse dum illud conderent; hæc nescien-  
tia impietati deserviens scandalose proponi-  
tur.* Huic Facultatis censuræ haud im-  
merito adjicere possumus, quod S. Au-  
gustinus, Rufinus, S. Leo, Maximus  
Taurinensis, Fortunatus, S. Petrus  
Chrysologus præter infinitos propemo-  
dum alios Autores unanimi suffragio  
tanquam rem omnino certam habuerint,  
quod hoc Symbolum in Apostolorum  
Concilio fuerit editum, ac insuper hæc  
sententia ipsa Ecclesiæ definitione atque  
usu fit comprobata, hinc eam in dubium  
vocare, omnino temerarium esse vide-  
tur. Praeterea Rufinus, aliquique Scri-  
ptores nonnulli censebant, quod Apo-

*Hist. Eccles. Tom. XXXV. X stoli*